

سر محرر: شهیندر زاده فلبلی

احمد ملی

محل اداره سی:

جفال اوغلند « حکمت » اداره خانه سیدر .

حقه مقرون، اغراضدن سالم افکار ومقالاته صحیفه لر مز آجیقدر .

«HIKMET»

Journal ture, quotidienet politique

DIRECTEUR-PROPRIETAIRE:

A. HILMY CHEHBENDER



اداره مدیری: فلبلی

محمد زهنی

اشترا بدلی:

برسنه لکی ۹۵، آلتی آیلنی ۵۴ غروشدرد .

پوسته اتحادینه داخل ممالک اجنبیه ایچون قرق فرانقرد .

ABONNEMENT

un an : 95 piastres six mois 54 p.

Union postale: un an, 40, six moi, 25 Fr.

Rédaction: Constantinople, Djagal oglou

نسخه سی: ۱۰ پاره در

حقیقه خادم یوی غزیه در

نسخه سی: ۱۰ پاره در

نزا کتیه هیچده مناسب اولمایان شکلدرده سوز
سویله ییلرلر . وویله طورلرله محض مشورت
وحامی استقلال وحریت اولان اسلامیه سوز
کتیرلر .

شومعروضانه سبب اولان ، قوری براحتال
دکدر ، بزه خبرویریلورد که پلک صافی ویاخودده
بر مقصده خدمت ایدن پروپاغنداجی بعض
کیمسه لر ، بعض جوامعه ده ارشاد وامور اخرویه
ایله هیچده مناسبی اولمایان مسائلی درمیان
ایتمکده ایتمشدر .

ذات ساحتناهیارینک هممات جلیله لرندن
امید ایدرز که بوکوندن اعتباراً نه سویلیدیکنی
بیلیمین آدم لر ، کریمی نصیخته چیقارمازلر .

تشکرات صمیمیه

رسم پک اقدییه - تشکرلر ایدرز ،
سوکلی قارداشمز . عینابده کی اخوان کرامتزه -
تلغرافنامه کز بزی غریبق مسرت ایتدی، جمله کزه
تقدیم مودت ایدرز .

*

« حکمت » ی تبریک ایله بزی مسرور ایدن
روم ایلی قارئین کرامتزه تأیید موالات ایتمکله
مفتخرز .

خطار ورجا

قارئین و مشترکین محترمه مزله مخبریه
باشلاهیله دن یینی یکریمی کوندن بری آلدیغمز
هرمکتوبده شوکاتین سوزلره تصادف ایدیورزه:
« یازدیغمز . . . تاریخی بر ویاخودشوقدر

تاریخی متعدد مکتوبلره جواب ویرمدیکز . »
ایشته اقربا وخواتمزده داخل اولدینی
حاله آلدیغمز مکتوبلرله تکرار ایدیلن
سوزلر بونلردر . حالبوکه : بروسه دن عودتمزدن
مشوم قایینه سقوط ایدنجه قدر قاج مکتوب
آلدق بیلدیورمی ؟ یالکز آلتی آچیق ورقه ایله
سکر قطعه قاپالی ! مکتوب .

بونون مکتوبلر مز؛ قضارا ! ضایع اولمشدر .
بنابرین مشترکین وخویشان کرامتزدن بزی
معائب طوطامالرنی رجا ایدرز . بالخاصه
اسکوب و منا-تردن صوگ زمانلرده کوندربلن
مکتوبلرک بردانه سی بیله بزه کدی . دورزائده ده
بویله ایدی . استبدادلرک بربرینه بکزه مه سی
طبیعی دکی ؟

اعماق خیال

« راجیک خاطرانی »

یارینکی نسخه مزدن اعتباراً اعماق خیالک
ایکنجی کتابی تفرقه ایدر جکر .

تلغرافنامه

مولای حفظ

مارسیلیا ۱۵ اغستوس - فاس سلطان مسابق
مولای حفظ بورایه مواصلت ایلش ، مأمورین
ملکیه وعسکریه طرفندن استقبال اولمشدر .
کندیسنه احترامات عسکریه ابراز اولمش ، برجم
غفر اسکله ده تجمع ایتمشدر .

قوت برختولد

پارس ۱۵ اغستوس - ویانه دن تان غزیه سنه
اشعار اولنور :

قوت برختولد بوکون (ایشل) ده امپراطور
ایله ملاقات ایدرک بر عدم مرکزیت سیاستی تعقیبی
ضمننده تورکیه نزدنده تشبثاده بولنلمسی خصوصنده
دول معظمه جه واقع اوله جق برتثبت حقنده اعطای
معلومات ایدر جکدر .

خدیه سوء قصد

قاهره ۱۵ اغستوس - مصر خدیوی ایله انکلتزه
حکومتک مصر مأمور خصوصی لورد کچنر علیه
ترتیب اولمان سوء قصدک باشلیجه فاعلی واجد اون
بش سنه کورک جزاسنه دیکر ایک رفیق ایه اون
بشر سنه حبسه محکوم اولمشدر .

جنایت

غنائشهر لوئیده ویانه دن خصوصی تلغراف :
بورایه ورود ایدن بر حواشه کوره ایدر اناود
رؤسانندن قدری پک روملر طرفندن قتل اولمشدر .
یانیه آناود اهاایسنده عظیم برخلجان حکمفرمادر .

سیروز تلغرافخانه سنده

سیروز ۱۴ اغستوس - سلانیک قول اردو
قوماندانی قره سعید پاشانک امری اوژرینه سیروز
پوسته خانه سی تلغراف دایره سی برسواری مفرزه سی
طرفندن محاصره اولمشدر .

داثره مذکورده اجرا اولان تحقیقات نتیجه سنده
مأموریندن بعضیسنک دردست اولندینی ظن ایدیور .
تورکیه قره طاغ تحدید حدودی

خارجیه ناظری غابریل نورادونکیان افندی
قره طاغ مصالحتکاری موسیو پلامه ناج ایله اوزون
بر ملاقاتده بولنش موسیو ایله تحدید حدود مسئله سی
حقنده قره طاغ حکومتک دول معظمه نزدنده اجرا
ایله یکی تشبثاتی حقنده اعطای معلومات ایتمشدر .

داماد شریف پاشا

(رسمی)

نافه ناظری داماد شریف پاشا داخلیه نظارتیه
تعین اولمشدر .

شون مجله

شیخ الاسلام افندی حضر تلیینه

آچیق مکتوب

پازه ایله وجدانی صانانلر هر عصرده
وهر ملت ایچنده بولندینی تاریخ بزه کوستریور .
بونلره مترج فکری ، قیسه نظری صاف
آدملری ده علاوه ایتیه لی در . استطلاعاتزه کوره
بوسنده ناصح وواعظ مسئله سی آبی براساسه
ربط ایدیه مه مش . بونلر صبیق بر نظر قشیش
آلنده بولوندرلمازلرسه ، اهالی به هله زمانک

وطیه لرینه ، همده منسوب اولدقلری فرقه به
قنالی ایتش اولورلر .

اتحاد فرقه سی احترامیه اتمام ایدیوردری .
امین اولمالی که عینی خطیثات انتخابیه دوشن
هرفرقه ، عینی صورتله اتمام اولونور .

مبعوث انتخابک ندمک اولدینی کوزلجه
تقدیر ایچون برمبعوثک مجلسده هانکی ایشلرله
مشغول اولاجغنی کوزلجه دوشونک کافی در .
بوایشلره برکوز آتلم .

— احتیاجات وطنیه ،
— سیاست داخلیه ،
— سیاست خارجیه ،
— اقتصادیات ،
— معارف ،
— اخلاقیات ،
— صنایع ، تجارت وزراعت .

ایشته برمبعوث ، بوکی حیات ملییه عائد
مهم شیلری دوشونه جک بونلره دائر اجراءات
وتصورات حقنده آبی وکوتو دییه بیله جک ،
اونلره دائر قانون لایحه لری یابه بیله جک . بودجه
ناهی ویردیکمز ایراد ومصرف دفترینی تدقیقه
مقتدر اولاجق ، استقرارضر حقنده سوز
سویله بیله جک . والحاصل مبعوث دیمک ،
بوتون ملی دزدلرمزی آکلایجق بر طیب
دیمک در .

بونککله برابر برمبعوثک فعال ، متفکر ،
غیور وقاععت وجدانیه صاحب اولماسی ده لازمدر .
اعتراف ایدیله لی که هر مملکتده بواوصافی جاع
اوج یوزکیشی بولق پک زوربرایش ایکن هنوز
حیات سیاسی انکشاف ایتمین وسیاست بر
نوع اکنتجه وعلی العاده وسیله معیشت بیلین
مملکت مزده بویله اوج یوزکیشی بولق صوگ
درجه زوردر . لکن مبعوث ایچون اوصاف
لازمینی ممکن مرتبه حائز اولان ذواتی ترجیح ،
بوابده کی نظایه به تقرب دیمک در .

ائلاسلر ، بوابده برقات ده دقت ایتمک
بورجلودر . مستبد وقاهر برال آلتنده باصتی به
قونولش اولماسنه رغماً اتحاد فرقه سنک دوچار
اولدینی انلشقاقلر واختلافلر ، یالکز سیاسی
برفرقه اولان اسلافده ده قولایقله وایلک
خطوده حاصل اولایلیر .

حالبوکه ظنمزه کوره براکثریت تشکیله
مدعو اولان اسلاف فرقه سی ، اختلافده دوشدرده
پارچه له نیرسه ، فرقه به ترتب ایدر جک ضرردن
صرف نظر ، بوندن وطن وملت منضر اولور .
قوتی برحکومت ، فعال ، مقتدر وحیثیور
مبعوثلردن ، منشکل برفرقه ایستاد ایتمکله ممکن
اولور . بزایایسه بومعاده قوتی برحکومه محتاجز .

محمد زهنی

تقویم حکمت			
طلوع آفتاب	ظهر	عصر اول	عشاء
۱۰:۰۶	۱۱:۰۵	۹:۰۱	۷:۴۱
۱۰:۰۶	۱۱:۰۵	۹:۰۱	۷:۴۱

باصحابیه

انتخابات حاضرقلری

ولمته دوشن وظیفه

یکی مجلس تشکیل ایچون حکومت ، اتحاد
باتک اجراسنه امروردری . شیمدی هریرده ،
انتخابات ایچون حاضرقلر کوریککده در .
یواستحضارات ، فرقه لرله نامزد اولق ایسته .
ینلرک استحضاراتی در . عجباً مسئله ده اصل
علاقه داراولان ملت ، حاضرلانیورمی ؟ ایشک
اهمیتی بوراده در .

اتحاد وترقی فرقه سی نامزدلری ، جمعیتک
مرکز عمومیه سی طرفندن تنسیب ایدیور ،
انتخابلری ایچون ملحقانه امر ویریلورومبعوثلر
ایشته بویله بر تنسیب وتعیین مقدم موجنبجه
انتخاب اولونیوردری که شو معامله ده انتخابه بکزر
بر جهت اولمادینی کی اهالی محلیه ایچون ده
بیان آرزو قدر بیله برحق حریت براقیلمامش
ایدی . بوسنه نه وناصل پایاجقلری مجهول
ایسه ده براصطفا کوسترمه دن میدان انتخاباته
چیقدقلری تقدیرده حتی اکثری اتحادجیلردن
بیله رای آلامیه جقلری محققدر .

اسلاف فرقه سنه کلنجه : بوفرقه نک مرکز
عمومیه سی بر سیاسی فرقه به لایق اولان شکل
حرکت فوکه چیقمیور ، وملحقانه کندنجبه
مدوح ومقبول نامزدلر توصیه ایتمک صورتیه
حق ایقاز وارشدایی استعمال ایله قناعت
ایدور . دیمک که انتخابک بوتون ثقلی ، طشره
قولوبلرله بالذات حق انتخابی اولان افراد ملت
توجه ایدیور .

مبعوثلر کی بزه صرف اهمیت اقتصادی سی
جهتیه مهم طوتیلان بر وظیفه ملییه به نه قدر
ایشسز ، کوجسز ، جرزلی ، شارالانان ،
جری وجسور آدملرک طالب چیقاجنی ادنا
ملاحظه ایله وامثالی دلاتیه آکلایشیلر . حالبوکه
مبعوثلرک اهمیت ، مبعوث اقدینک آلاجنی
تخصیصات جهتیه دکل ، مجلسده کورمکه مدعو
بولوندینی وظیفه اعتباریه در .

ایشته کرک قولوبلرک وکرک افراد ملتک
هرشیدن اقدم دوشونه جکلری جهت بوراسی در .
بویله یایمازلرسه ادباب علم واختصاصه برطاقم
سیاست سرسریلرنی ترجیح ایدرلرسه هم وظیفه